

錦

冷

林

譚

周浩題

錦

冷

林

譚

周浩題

鐵冷叢談序一

世界現象日闢日新。文明事業之進行。雲譎波詭。而未知所極。魁傑之士。高掌遠蹠。咸思挾其所有。馳騫八區。生此世而他無表見。規規然以文墨自娛。陋矣。文之至者。可經緯百端。下亦足雕鏤萬狀。釋此不爲。惟是撫拾聞見。附於稗官野史之流。抑又末矣。余友劉君漢升之鐵冷叢談。是亦稗官野史之流也。如君之才。殫精爲此。以之披露於人間。人不但匿笑矣。乎然此非君志之所在。特有託而爲比。諸蒙莊之寓言。云耳。昔昌黎韓氏稱杜少陵詩云。流落人間者。泰山一豪芒。蘇子瞻亦云。此老詩外別有事。在君之志願。亦嘗高掌遠蹠。思以馳騫八區。退而託於文夫。豈不足以經緯百端。雕鏤萬狀。願遇不得。當蘊於中。而末由發展。因廢然曰。天下事皆無足爲者。獨居深念。侘傺無聊。俯仰塵世。一切可驚。可愕。可憎。可喜之事。凡接觸於耳目者。舉足以助其不平之氣。不平之氣。積借筆墨。以傾倒之一。以摹繪情狀。一以寓其牢愁。叢

譚之作意蓋有託衡以君之志願不過泰山之一毫芒此外固別有事在也顧君年方壯竢之異日蘊蓄愈宏或者境益夷氣益平自足發揮意氣後有撰述當更恢張叢談之作特其嚆矢已耳誌之簡端所以見君志之有在以下他日之所至云時民國三年三月某日也

雲間儀鄒胡常惠撰

鐵冷叢談序二

乙杖然。藜卯金。繼葉經生。西漢黨派。東林哲學。舊稱聞人。代有眷言。後起應降。通材爲歷史。榮爲家乘。光可斷言。已吾友鐵冷先生淮解英多。彭城家世。蚤年頭角。雛鳳遜其清華。弱冠文心。雕龍得其妙。肖鯉庭趨。過詩禮衍。及再傳龍門。一登聲價。增至十倍。既而遨遊。澣上倒屣。爭迎。馳聘文壇。脫穎而出。不是癡人說夢。生花擅翰墨之長。姑從壯歲著書。摘藻得江山之助。此譚叢一編之所繇輯也。特是經成。山海俗學。視爲虛無。篇譯老莊。後人疑其玄渺。甚至釋家奧妙。動輒以爲荒唐。道學幽深。幾乎鄙爲旁左。似茲閤陋。罔識精微。如先生者。祖訓繼承。清芬嗣續。徵文獻于故里。企人望于前朝。正定風流。端臨楷範。念樓橋梓。爲世所崇。醉公衣鉢。于邑有色。盛或難繼。理有固然。先生迺坐擁書城。磨穿鐵硯。撫殘拾闕。絕後空前。懼薪穀之失傳。一編長抱。恐箕裘之遽墜。七尺滋慚。儻令家學淪湮。國粹漸滅。論讀書種子。無乃疚心爲名。

教罪人。幾難立足。謂我執事。敢闕好音。无悶。琴劍一囊。襤被萬里。天涯荆棘。世局滄桑。窮較人奇拙。惟我獨亦奏雕蟲之技。徒增驚馬之差。以視夫槃槃大才。觥觥巨集。有上下牀之區別。異大小巫之名稱。不當羨之。且愧之乎。然而陽春白雪。屬和殊艱。下里巴人有聞起舞。既結此癖。敢已于言。嗟嗟汜光湖東。悵代飛于燕雁。春申江上。錫知己以鱗鴻。展元箸而神馳。索俚言而首弁。自分謫陋。勉竭朽枯。酒酣劍鳴。用引惶于前馬。燈闌燭燼。敢作冀于佛頭。是爲序。

同里王无悶撰

鐵冷叢談序三

搏搏大地渺渺無垠有一大動物焉不脛而走不翼而飛忽而莊忽而諧忽而戚忽而嬉其所哀樂足以奪人之哀樂其所悲歡足以奪人之悲歡寰球千萬里元會千百年無智愚賢不肖莫不爲所鼓盪爲所按摩物理家之留聲機無此奇心理家之催眠術無此神若是者爲何物乎曰小說與稗史是已稗史者小說之一種也小說多臆造稗史載佚聞舉凡畸人劍俠之異行名士美人之離合暴官汙吏之貪虐與夫人心鬼蜮之不可測當世所不敢道者而稗史載之齒頰所不能表者而稗史達之社會上種種變幻耳目所不及知者而稗史揭之嬉笑怒罵可泣可歌所以彰潛德而儆凶頑功至偉也古今稗史之作不可以更僕數然因果相生或多神話桃瑤互迭轉失淫靡造語一不慎則傷風敗俗隨之求一於社會有裨風化有關者則劉君鐵冷叢談之作尙已劉君嘗言天壤間不可無俠無俠則大慝生不可無情無情

則天理滅不可無溫嶠之犀以燭奸否則將成荆棘世界故於俠務求其奇於情務求其正於人心務求其善善惡惡則此叢談之作謂之游俠傳可也謂之艷史國史亦無不可鐵冷叢談既成索序於余余應之曰君以覺世的文字推行當世吾知此叢談也將本其慣性的魔力博取社會之歡迎風行萬里紙貴一時社會之改進人心之振刷與夫魑魅魍魎之斂跡皆將於此冊卜之焉是爲序

婁江東訥沈章撰

鐵冷叢談序四

檐月。悄。墮。林。風。怒。鳴。古。驩。沈。寥。今。緒。空。涌。濁。酒。欲。醉。則。積。痼。不。開。青。琴。方。理。則。孕。愁。
無。竭。礙。欲。眷。懷。靈。修。盪。情。裊。乘。而。齊。諧。恢。譎。郢。說。荒。唐。千。寶。以。搜。神。爲。能。張。華。街。博。
物。之。作。山。阿。有。人。謂。是。含。睇。要。眇。屋。梁。落。月。輒。疑。化。魂。儻。忽。鬼。唱。鮑。家。之。詩。蝶。怨。韓。
憑。之。魄。靈。風。夢。雨。連。狝。徒。傷。黑。塞。青。林。驚。駭。欲。絕。求。夫。十。九。之。言。能。寓。五。里。之。霧。不。
迷。意。託。渺。緜。事。芟。廣。漠。者。則。魏。晉。以。下。之。說。部。罕。有。所。見。唐。代。以。來。之。作。家。匙。喻。此。
趣。瀏。覽。所。及。缺。憾。不。免。劉。子。鐵。冷。春。蠶。寸。寸。吐。恨。有。文。秋。雁。械。械。寫。愁。成。字。以。文。園。
寶。賦。之。暇。耽。龍。門。著。書。之。情。以。釣。磯。立。譚。之。筆。摹。西。陽。雜。俎。之。體。積。暑。既。多。都。爲。一。
帙。則。如。豫。讓。橋。橫。鱗。諸。里。古。亡。命。倉。海。之。側。殺。人。都。亭。之。中。五。百。頭。顧。島。雲。壯。田。橫。
之。客。七。尺。須。臾。血。淚。實。聶。政。之。姊。凡。諸。奇。俠。備。蒐。軼。聞。橫。攤。讀。之。凜。凜。有。生。氣。尙。論。
古。者。稜。稜。出。劍。芒。又。或。剗。襪。步。階。渡。江。理。楫。章。臺。柳。色。氍。毹。向。人。吳。宮。屢。聲。珊。珊。遲。
我。陳。王。紅。絲。之。枕。離。涕。交。頤。韓。掾。青。字。之。香。驩。言。促。席。咸。瓊。屑。之。是。撫。茲。金。荃。之。列。

集。豈。直。飛。燕。外。傳。墜。驩。競。拾。抑。亦。楊。娃。小。史。影。事。不。遺。別。有。韓。凌。片。石。史。成。贖。觚。孝。
女。踢。波。碑。屹。上。虞。烈。嬭。題。血。嶺。號。清。風。茄。花。委。鬼。之。毒。霜。霰。蔽。天。菊。豆。仗。馬。之。姦。城。
府。撐。劍。亦。復。薰。猶。之。臭。別。其。差。池。涇。渭。之。流。判。厥。清。濁。有。牛。渚。然。犀。之。燭。炤。無。吉。光。
片。羽。之。湮。沒。獨。至。厲。驚。伯。有。草。抗。杜。回。被。蘿。帶。荔。之。離。奇。鬼。笑。靈。譚。之。愉。悅。則。稽。神。
之。錄。悉。刪。其。幽。玄。無。鬼。之。論。不。淆。其。觀。聽。眎。彼。紫。姑。筮。靈。上。求。下。索。黃。州。說。恠。怵。目。
劇。心。者。黍。紒。寸。絜。怙。歸。判。然。披。誦。一。週。距。躍。三。百。猶。憶。橐。筆。滬。江。讀。君。文。字。鳬。愛。藻。
以。凝。眷。瑤。悅。珉。而。結。色。切。情。所。感。逾。於。曜。靈。送。景。神。交。所。流。嘗。以。芳。荃。寄。香。時。會。不。
淹。山。川。改。色。飢。驅。出。走。竭。來。都。門。浮。雲。長。安。徒。橫。攬。古。之。涕。夜。雨。巴。山。益。愴。翦。燭。之。
話。心。之。憂。矣。我。勞。如。何。今。獲。新。著。如。溫。昔。夢。漢。書。是。下。酒。之。物。杜。詩。爲。驅。瘧。之。導。世。
有。王。吉。當。嗜。長。卿。之。文。我。類。阮。亭。敬。買。留。仙。之。誌。

民國三年四月

既望江寧孫家樹穀任撰

鐵冷叢談序五

二十世紀之世界文明日闢。治化日進。歐風美雨震撼寰球。生於今日之中國。既不能於政治藝術上與歐美民族爭衡。而內顧祖國。日卽淪亡。復不能爲中流之砥柱。挽既倒之狂瀾。致令沉沉大陸。遍布妖氛。芸芸衆生。久罹塵劫。不知興亡之有責。竟謂時勢之難爲。而顧於草堂夢回。巖扉月上。逞雕蟲之小技。作捫虱之雄談。倚馬萬言。汗牛千卷。在己雖自詡其著述之宏富。在人能不譏其心志之虛驚乎。雖然。政治可以治國家。而不足以轉移社會。藝術可以利民。用而不足以感化人心。則欲社會之改良。人心之丕變。固於政治藝術之外。別有其道也。然則本其救時之懷抱。而發爲警世之文章。藉以轉移社會。感化人心。俾俠士貞女。留姓字於縹緲。巨蠹神奸。畏筆削如斧鉞。夫亦志士仁人所有事矣。劉子鐵冷。具賈生憂時之懷。疾秦政愚民之術。值此豺狼當道。狐鼠橫行。小人道長。君子道消。不欲與聞政治。乃致力於言論界。

冀以輿論之代表而攝魔王之野心。憂國之餘。復將所得之遺聞軼事。纂述成篇。名曰鐵冷叢談。搜羅既富。點綴尤工。夫湘妃杞婦。劉向傳烈女之篇。郭解朱家。司馬著游俠之傳。鑄神禹之鼎。魑魅競欲潛形。燃溫嶠之犀。鬼物咸知斂迹。以彼例此。有以異乎。而況破世俗之迷信。記不取乎。搜神憎異說之荒唐。論幾效乎。無鬼嬉笑怒罵。皆成文章。羣怨興觀儼如詩旨。彼鄭衆縱誇腹笥。終嫌博而不精。桓譚雖善詞條。未免繁而寡要。何若此審時立說。取精用宏。事非無稽。言皆有物。揭專制之罪惡。拿皇與梅相同。誅發潛德之幽光。紅綫與黃衫並著。金懸咸邑一字之增減。猶難紙貴。洛陽萬里之風行。可卜例雖託於稗官。野史功直同乎四史。六經易俗。移風效收。旦夕迴黃。轉綠。聲震寰區。是則叢談之作。其有裨於世道人心。非淺鮮也。又豈同齊諸志。怪虞初記異。徒爲茶餘酒後。遣興之資乎。余與劉子雖未謀面。然時於報端讀其文。知其爲有志之士。且知其將以文字轉移社會。感化人心。不徒以詞華自炫也。因就管窺所及。綴數言於簡端。以誌景仰云爾。

鐵冷叢談序六

今以蕭家三品之筆續虞初九百之書其能寓哀鉞于行間壽縹緲于篋衍扶幹大雅立皆不朽之言砥柱橫流鑄盡辨奸之鼎茫茫斯世渺渺伊人洛陽市上雖多腥錄之編而咸邑門前絕少懸金之著是則蛇神牛鬼好譎蘇李之譚貝闕蜃樓妄拾樂徐之唾凌波夢雨言來強半荒唐誌怪搜神傾去只還舊水允堪覆瓿無怪燒薪更或描摹蕩婦繪畫妖童秘辛妄自矜人穢史只堪置溺有汗篇簡貽玷風騷敗俗蠹民下流斯極吾無觀已彼何傳哉嗟夫道衡不再拙誰魚腹教藏羸政難逢穢孰士林借解然而砂含璞韞地無寶藏之窮玉質金相代豈名流是乏是以百家龐駁子輿垂玉律之文六代靡卑伯玉奏黃鐘之響也吾友劉鐵冷者三吳名士兩到才人學既淹乎古今業更精于中外先知覺後化早著夫文翁國溺道援鐸更振乎尼父鵲啼洛下虞卿愁乃成書鵝去步中庾信憂而作賦于是燃脂暝寫吮筆晨書壽

陽○白○馬○之○謠○燕○市○阿○鳳○之○諺○黍○離○麥○秀○江○山○之○涕○淚○縱○橫○鵠○隱○鸞○伏○巖○穴○之○功○名○蹇○
產○與○夫○黃○衫○俠○客○紅○拂○嬌○娃○織○錦○姬○人○報○韓○公○子○席○地○幕○天○之○士○露○筋○斷○臂○之○姝○莫○
不○賢○惡○同○登○幽○潛○畢○表○補○千○秋○之○信○史○備○一○世○之○談○資○豈○徒○北○地○中○郎○見○而○珍○爲○帳○
秘○行○看○東○都○名○士○讀○之○推○作○國○華○猗○與○休○哉○復○乎○美○矣○僕○也○庾○公○筵○上○雖○識○孟○嘉○劉○
尹○風○前○倍○懷○叔○度○熱○忱○旣○景○佩○以○無○涯○高○文○更○愜○服○而○罔○藝○今○承○誼○諉○用○貢○揄○揚○亦○
知○觀○弘○治○之○姿○人○難○爲○美○無○如○愛○同○功○之○繭○蠶○不○忘○絲○是○爲○序○

湖南南村楊行己撰

鐵冷叢談序七

嗟乎江山慘淡。愛國淚多。風雨晦明。擊壺聲咽。茫茫身世。黯黯雲山。憤有甚於觸山。怨更深於蹈海。乃揮椽筆。著爲叢談。其志其身。亦可哀已。劉子鐵冷時下名士雲中。孤標立箸。超超作太常之後盾。奇蹤落落。追祭酒之前塵。感夫過客衣冠。不啻優孟。燕台宮闕。徧是棘荆。見陌上之銅駝。新亭灑淚。抱懷中之香草。長鋏羞彈。自照鬚眉。非肉食之伍。我懷荆璞草孤憤之篇。口欲生香。花先綴筆。可歌可泣。亦莊亦諧。豈徒深襲巾箱百篇珠玉。不願懶開吟笈千首琳瑯。聽雅樂於鈞天。眩奇珍於海市。讀君佳叶。敢獻鄙忱。考其內容。可得言焉。夫公子芙蓉佳人。豈蔻脂香粉影黛色。釵聲芳氣。襲人嫩寒。銷夢心心相印。情絲以縛而愈牢。惺惺互惜。意緒以粘而更膩。比鸚鵡之翼。簿上徧註姻緣。交牒牒之鬚。有情都成眷屬。此其艷也。若夫風流有劫金粉工。愁蘭蕙香消。窗外之鷓鴣欲泣。海棠枝瘦。簾前之鸚鵡含悲。命薄梨花向冰輪而悲。

夜月淚盈斑竹。隨紈扇以泣。秋風慘淡。一燈淒涼。五夜此其哀也。他若慷慨悲歌。燕市之餘風未泯。鷄鳴狗盜。齊門之絕技堪傳。易水蕭蕭。磨刀霍霍。漆身吞炭。酬國士之恩。擊缶鼓琴。誇相如之壯。長卿因而作賦。司馬樂爲執鞭。此其激也。或有孤標畸迹。特立獨行。落葉飄蕭。盡是歸根之處。閒雲沖淡。原無出岫之心。守其錚錚。抱其硜硜。幽明不渝。其誓豐嗇。不易其心。縱愚夫婦所能爲。實士林中所難得。廉頑立懦。警世覺民。此其逸也。至於睢陽之頭。常山之舌。不爲王侯所屈。寧與螻蟻同歸。或荼苦而筠清。或仁成而義取。或殺生衛母。孝節可風。或罷織訓兒。閭範是式。凡此節義。靡不搜羅。馴至燃溫嶠之犀燭。照城狐社鼠。鑄禹王之鼎。不遺魑魍魎。重光愁春。絕無荒妄。小倉解語。便話風流。無美不搜。有聞必錄。洵人間之寶鏡。亦衰世之稗官。嗟乎豺虎當途。鳳麟匿跡。風雷貫耳。星月斂輝。一卷離騷。君悲屈子。千秋有道。我媿中耶。

自叙

靈均放逐。經著離騷。韓子幽囚。書傳孤憤。但傷世態。不擇好音。拂逆時情。獨鳴清籟。自古然矣。冷才同綫。短技愧蟲雕。熠燿流宵光。非爭夫日月。驚駘泛駕尾。豈附乎纖離。第以投身濁溷。蒿日時艱。塵狀堪憎。瘖音曷已。林空木落。杜鵑振此哀音。月墮巖高山鬼。訴其幽恨。形窮牛渚。聊然溫嶠之犀。狀繪山經。謬附姒王之鼎。夫豈若東坡說鬼。干寶搜神。徒侈老氏之元精。釋家之因果哉。自惟蠹食。廿春筆耕。十載蒼煙。花之譜。糟醕游俠之篇。博採遺聞。碑窮黃絹。旁搜稗乘。貧典黑貂。腹臞郝隆。豈作枕中之祕。顏開匡鼎。敢云柱下之藏。付諸梓工。彙爲緗帙。言其大略。蓋有三焉。爾其吳市吹簫。聲傳曲巷。漸離擊筑。歌起悲風。暴憤羸秦。擲椎博浪。忠誇民主。搶首庭槐。劍騎翩翩。競說五陵。年少儔從。奕奕半爲三蜀英豪。不有表彰。何從獎勸。他如江頭孝女。勒石無傳。塞外文姬。捨身莫贖。採桑却餽。填海而效。冤禽化石。望夫登山。而嗟行。